




**ЮМЫН АВАН «ВСЕЦАРИЦЕ»
ИКОНЫЖ ЛҮМЕШ
АКАФИСТ**



Йошкар-Ола
2025

*Йошкар-Олан да Марий Элын
Высокопреосвященнейший митрополитше Иоаннын
благословитлымыж почеш*



**ЮМЫН АВАН «ВСЕЦАРИЦЕ»
ИКОНЫЖ ЛҮМЕШ
АКАФИСТ**

1-ше кондак

Уэш лекше юмонгат ончылно ме, Тыйын кулет-влак, ўшан дене шогена да Тыланет, Всецарице, кумыл тодылт мурена. Тый декет толшо кулет-влаклан пареммашым колто, да Тыланет куанен ойлена: Порылыкет дене мемнам паремдыше Всецарице, йывырте.

1-ше икос

Аралыше суксо Пылпомыш гыч волен да Всецарицылан каласен: йывырте! Господь, Тыйын капан лийметым суксо ужын да Яндар Ўдырлан Юмын шомак дене тыге ойлен:

Мемнан утаралтмашын Тўнгалтышыже, йывырте; Илышым Пуышын эрыкшым Шуктышо,



йывырте. Юмын Тый дечет капым налмыжлан йывырте; Ужаш лийдыме Юмын Тыйын гоч капан лиймыжлан йывырте. Түнян Чаманы-машыжым көргышкет налше, йывырте; капкыл вургемым Шомаклан куышо, йывырте. Уш дене умылаш лийдыме Күшылсө Чап, йывырте; шүмым иландарыше Пылпомышысо Манне, йывырте. Порылкын волгыдо Шүдыржө, йывырте; ылыше вүдым пуышо Памаш, йывырте. Юмын чыла үдырамаш дечат утла поро пүрымашан Аваже, йывырте; Утарышым шочыктышо нарашта Ёдыр, йывырте. Порылыкет дене мемнам паремдыше Всецарице, йывырте.

2-шо кондак

Яндар Ёдыр, Түнгалтышдыме Шомак Тыланет көра изи Йоча лийын да паремдымашым пуа Тыйым пагалыше-шамычлан да Тудын öрыктарышын Шочмыжым моктен мурышо-влаклан: Аллилуиа.

2-шо икос

Уш дене умылаш лийдымым палаш тыршен, суксо деч Ёдыр йодын: кузе мый Күшылсын Аваже лийын кертам, умылтаре, вет Мый нарашта Ёдыр улам. Гавриил суксо Тудлан лүдын ойлен:



Күшылсө кангашын Ойырен налмыже, йы-
вырте; сөрвалыше-шамычын йүкыштым Вашке
колын шуктышо, йывырте. Христос тўнян По-
янлыкше, йывырте; Шке айдемет-влакын Ёша-
нышт да Вийышт, йывырте. Рак черым öрык-
тарышын Чактарыше, йывырте; моло чер дечат
Паремдыше, йывырте. Тўнян Аралтышыже,
йывырте; ойгышто улшо-влакын ёшанле Ута-
рышышт, йывырте. Шортмашым да шинчавў-
дым Ёштылшö, йывырте; утаралтмаш омсам
чылаштлан почшо, йывырте. Афонышто илы-
ше-влакын Скипетр ден Державышт, йывырте;
монах ден мирян-влакын Пондышт, йывырте.
Порылыкет дене мемнам паремдыше Всецари-
це, йывырте.

3-шо кондак

Нарашта Ёдыр, Тыйым Күшылсын вий-
же леведын, умылен мошташ лийдымын кап-
кылым налын, утаралтмашым тўредаш шоны-
шо-влаклан Тыйым ямле пасум ыштен, да нуно
мурат: Аллилуиа.

3-шо икос

Юмын Ава, Всецарице манын лўмдымö свя-
той юмонат öрыктарышын чапланен, Тыйын
тўсет паремдыше лийын. Тудын ончылно ёшан



дене сөрвалыше-влаклан Тый пареммашым пуэт, да тыгай муро-влак шукемыт:

Пытыдыме Волгыдын Аваже, йывырте; мучаш марте чытыше-влакын Сенгымашышт, йывырте. Ойгышто улшо да черле-влакын Эмлызышт, йывырте; тулык йоча ден тулык вате-влакым аралыше пенгыде Пырдыж, йывырте. Райын омсажым Почшо, йывырте; нелылык да орлыкышто улшо-влакым Аралыше, йывырте. Ёшаныше-влакын утаралтмышт верч Йодшо, йывырте; айдеме тукым верч Кумал шогышо, йывырте. Мландымбачын кавашке кўзыктышö Пылпомышысо Тошкалтыш, йывырте; колымаш сулыкым мушкын колтышо Илыше вўд, йывырте. Поро еҥ-влакын шўмыштым аралыше Пача, йывырте; Черкын шочшыжо-влакым авырыше Леvedыш, йывырте. Пoryлыкeт дене мемнам паремдыше Всецарице, йывырте.

4-ше кондак

Тўнялан илышым пуаш шонен, нарашта кўргышкет Тўням Кучен Ашныше шынген. Тыге Тыйым ёшаныше-влакын Аваштым ыштен да нуным тынысын мураш ўжын: Аллилуиа.



4-ше икос

Юмын Олаже, Всецарице, Тыйын гоч чот чапле шукталтын — святой юмонгат деч парем-маш толеш. Эмлыметын паремдыше йогынжым налын, таум ыштен мурена:

Корштымым чарыше Эм, йывырте; чер-ле енын ырыше капшым йүкшыктарыше Юап, йывырте. Рак черын пуалшыжым тул гай йүлал-тыше, йывырте; врач-шамычын эмлен керт-дыме-влакым паремден кынелтыше, йывыр-те. Шкендын эн яндар Түсетым ойырен налме ен-шамычлан ончыктышо, йывырте; сулыкын кепшылже гыч лукшо, йывырте. Колымаш деч утарыше, йывырте; шотлен пытарыдыме ўша-ныше ен-влакын чыныш лекмыштлан йывыр-те. Айдеме уш дене умылен керташ лийдыме Күкшыт, йывырте; ик Шомаклан веле палыме Келгыт, йывырте. Акрет годсо патриарх-влакын ончык ужын Каласымышт, йывырте; тыланет ку-малше иерарх-влакын Туныктышышт, йывырте. Порылыкет дене мемнам паремдыше Всецарице, йывырте.

5-ше кондак

Нарашта Ёдыр, Тый Утарышын эн яндар Храмже улат манын, палена. Тый декет толына да мемнамат Юмын храмжым ышташ йодына, а Тудлан мурена: Аллилуиа.



5-ше икос

Айдемым Шке кидше дене Ыштыше Юмым суксо-влак Тыйын кидыште ужыныт да икте Владычице улметым паленыт. Тый Шкендым Кул улам манынат гынат, Тыланет, Юмын су-апландарымылан, тыгай муро дене служитлаш тыршеныт:

Пылпомышысо Куат-влак деч күшкө шо-галтыме, йывырте; öрыктарыше паремдымаш дене тўням темыше, йывырте. Моктымым да чапландарымым Пылпомыш гыч колшо, йы-вырте; тауыштымым мландымбалысе-влак деч налше, йывырте. Айдеме шўм гыч колымаш нöшмым корандыше, йывырте; сатанан ондалы-ше кепшылжым пытарыше, йывырте. Шортмаш лапверым куан дене темыше, йывырте; ойгым Пылпомышысо ласкалыкыш савырыше, йывы-рте. Юмылан келшыше Тамле пуш, йывырте; сулык верч öкынышö ен-влакын кугу Куанышт, йывырте. Алгаштарыме деч Авыртыш, йывырте; сырыме да пуламыр деч Аралтыш, йывырте. Порылыкет дене мемнам паремдыше Всецарице, йывырте.

6-шо кондак

Яндар Ёдыр, Тый мландымбач Пылпомыш-ко нöлталтынат. Утарыше Христосын Юмо нерген туныктен ойлышо апостолжо-влак ту-



нам Тыйын воктекет öрыктарышын толын шогалыныт, ик шүм да умша дене Юмылан муренит: Аллилуиа.

6-шо икос

Всецарице, кунам сатана туныктымо дене пычкемышалтше рвезе Тыйын юмонгат ончылно камвозын да тарванен кертдыме лийын, иконет гыч öрыктарыше порылык волгалтын. Пычкемыш кепшыл гыч рвезе вучыдымын утаралтын да лүдын-йывыртен Тыланет мурен:

Шотдымын илымым Төрлатыше, йывырте; чот орланыше-влакым Лыпландарыше, йывырте. Черке деч ия тўшкам Поктен колтышо, йывырте; сулыкан пычкемышым Шалатен кертше, йывырте. Ужаш лийдыме осал шўлыш-влакын ўчыштым Пытарыше, йывырте; ия-влакын шояштым куатлын Сенгыше, йывырте. Ондалалтше-влакым туныктен Волгалтарыше, йывырте; титакдыме-влакым осал деч авырыше Пыл, йывырте. Пылпомышысо манным пукшышо Кўкшака, йывырте; Христосын ўнышылыкшö дене темше Лапвер, йывырте. Пылпомышысо Кугыжанышын Кўжö, йывырте; эреак улшо Волгыдын Воштончышыжо, йывырте. Порылыкет дене мемнам паремдыше Всецарице, йывырте.



7-ше кондак

Утарыше Христос, ўшаныше-влаклан Шкен-
дым кочкаш пуышаш верч Тый Нарашта Ўдыр
деч капым налынат. Эн Яндар Капет ден Вүре-
тым көргышкышт налын, ең-влак Тыйын
чынак Юмо улметым палат. Каласен мошташ
лийдыме кугу уш-акыллан öрын, ме мурена:
Аллилуиа.

7-ше икос

Тунемшыж-влак дене Шолып Погыны-
маште Христос у таинством негызлен да
Илышым Пуышо улмыжым ончыктен. Юмын
Святыныжым налаш йöрышым ышташ ме
Всецарицым сөрвалена да Тудлан мурена:

Пылпомышысо Киндым Пуышо, йывырте;
Курымашлык Илышым Шочыктышо, йывыр-
те. Христос дене ушышо Чаше, йывырте; айде-
ме чон ден капым Юмо дене ушышо, йывыр-
те. Юмын Тайныж дене темше шöртнö Совла,
йывырте; кугу Святыным верандыме шерга-
кан Кивот, йывырте. Святой Евхаристийыш
ончыктышо Кид, йывырте; Святой Кочкышым
пуышо Ўстел, йывырте. Пырчесым Юмылан
йöрышын подышо-влакым пурла вельш шо-
галтыше, йывырте; Юмын Литургийым йöра-
тыше-влакым тамык деч утарыше, йывырте.



Колышаш-влакымат колыдымаш Памаш деке кондышо, йывырте; шочшет-влакым тыныс да пенгыдылык дене авырыше, йывырте. Порылыкет дене мемнам паремдыше Всецарице, йывырте.

8-ше кондак

Öрыктарышын Шочмашым ужын, мландымбалысе илыш верч тыршымынам корандена, шүмнам күшылсö шонымаш дене темена, вет Күшылсö тушко ўжаш толын нуным, кө Тудлан мура: Аллилуиа.

8-ше икос

Ачажын көргыштö эре улшо Шомак тыгодымак öрыктарышын мландымбалне капан Айдеме лийын. Яндар Ўдырын ўнгышылыкшым ужын, Куатле Юмо Шке Кулжым чапландарен, да Тудыжо колын:

Шындарен керташ лийдыме Юмым Шындарыше, йывырте; тўня деч күшнö улшо Пўрышым тўнялан ончыктышо, йывырте. Колымашын куатше пытымылан йывырте; Адамын сусыржо пареммылан йывырте. Чонын йоражым эмлыше Сольк, йывырте; кап сусырыш шўрымö Ўй, йывырте. Аза ыштыме годым орланымым луштарыше, йывырте; колымо годсо



йӱсланымым куштылемдыше, йывырте. Тамы-
кым сенгыше, йывырте; колымашын умдыжым
нӱшкемдыше, йывырте. Чылаштын ылыж кы-
нелмым Вучымаш, йывырте; православный ең-
влакын ўшанле утаралтмашышт, йывырте. По-
рылыкет дене мемнам паремдыше Всецарице,
йывырте.

9-ше кондак

Юмын Шомак, Тыйын капкылым налме-
тын умылаш лийдыме кӱкшытшылан чыла сук-
со ден айдеме ӧрыныт. Юмын тиде кугу тай-
ныж деч лӱдын, Тыланет чон пырткен мурена:
Аллилу́иа.

9-ше икос

Всецарице, тӱрлӧ чер дене орланыше-влак
Тыйын святой юмонгат деч пареммашым вучы-
мо деч утларак налыт. Порылыкым ўшан дене
налын, Тыланет тауштен мурат:

Таза йоча-влакын Аралтышышт, йывырте;
черле-влакым йолӱмбак шогалтыше, йывырте.
Черле йоча-влакын пареммышт, йывырте; ор-
ланыше самырык ең-влакын Авашт, йывырте.
Черланен кийыше-влакын Кынелмышт, йы-
вырте; колымаш деч лӱдшӧ-влакын Лыпланы-
мышт, йывырте. Ең-влакын шортмыштым ча-



манен Кольштшо, йывырте; орлыкнам ужшо, йывырте. Мландымбалысе корштымашыш пылпомышысо куаным Ешарыше, йывырте; чот орланыше-влакын кугу Чытымашышт, йывырте. Шортшо-влаклан куаным ямдылыше, йывырте; ўнгышö-влакым молитва шулдыр дене леведше, йывырте. Порылыкет дене мемнам паремдыше Всецарице, йывырте.

10-шо кондак

Сулык дене локтылалтше айдемым утараш шонен, Илышым Пуышо Юмо Тыйын ўмбакет чўчалтше йўр семын волен да Тыйым йўлыдымö вондерым ыштен. Юмо улшо Айдеме лийын, да ме Тудлан мурена: Аллилуиа.

10-шо икос

Нарашта Ёдыр, Тый ёдыр яндарлык верч тыршыше-влаклан пырдыж улат. Шкенжын уш-акылан пўрымыжö-влакым эрыкташ манын, Юмо Тыйын көргышкет шынен. Чыла лавыра деч корангын, Тыланет тыге мурена:

Шыпым кычалше-влак дене Мутланыше, йывырте; нарашталыкым аралыше-влакын Вуйшўдышышт, йывырте. Духовный күкшытын тўнгалтышыже да мучашыже, йывырте; Юмын почмашым Аралыме вер, йывырте.



Кумытло Юмын Кангашыжын Шолыпшо, йывырте; ең-влак утаралтмын Амалже, йывырте. Кугешныше ушлан умылаш лийдыме Күкшыт, йывырте; үнгышö шүмлан толын пураш лийме Шып вер, йывырте. Яндар Пылпомыш деч Яндар, йывырте; Херувим ден Серафим-влак деч чот Моктымо, йывырте. Куандарыме, Архангел деч поро уверым налметлан йывырте; Лыпландарыме, ылыж кынеше Христосым шке кидет дене шижметлан йывырте. Порылыкет дене мемнам паремдыше Всецарице, йывырте.

11-ше кондак

Владычице, ме, Тыйын кулет-влак, Утарыше Христослан йöрышö мурым мураш тыршена гынат, она керт. Юмым күлеш семын кө моктен кертеш, вет Тудын лүмжö тамле пушан миро гай, сандене Тудлан мурена: Аллилуиа.

11-ше икос

Пычкемыште шинчыше-влаклан кугу волгыдым шарен, күшычын Эрвел, Тыйын Эргыч да Тыйын Юмет, мемнан дек толын. Тыйым, Нарашта Ёдырым, сортапүкенысе сортамыштен, черкын волгыдо шочшыжо-влакым Тыланет тыге мураш туныкта:



Христосын, Ушан Кечын, Ёжараже, йывырте; Юмын Тулын Атыже, йывырте. Святой-влак-лан вургемым куышо Волгыдо, йывырте; ия тўшкан пычкемышыжым поктен колтышо Сор-та, йывырте. Кўэмалтше ушым Сотемдарыше, йывырте; сулыкан шўм-влакым Волгалтарыше, йывырте. Арам пашан тенгызше гыч утарыше Кид, йывырте; утаралтше-влакым Пылпомыш Кугыжанышыш нангайыше Кечыйол, йывырте. Сулыкышт верч окыныдым-влакым перыше Волгенче, йывырте; енгым пытарыше-влакым лўдыктыш-кў Кўдырч-кў, йывырте. Чоя енгын на-мысшым помыжалтыше, йывырте; Юмын Суд-шым Пушкыдемдыше, йывырте. Порылык-ет дене мемнам паремдыше Всецарице, йывырте.

12-шо кондак

Порылыкым пуаш манын, Тошто Сугыным пуышо Юмо мыланна У Сугыным п-леклен. Тиде порылыкым налын, ме законом шуктым-о дене огыл, а ўшанымаш дене утаралтына да чы-лан мурена: Аллилуиа.

12-шо икос

Юмын Ава, Тыйын шочметым моктена. Ёмыл пуышо омашым Израиль ожно кимвал дене моктен. Ме Тыйым, чын Омашым, поро пашатлан тыге моктена:



Күшнө мурымо Муро, йывырте; үлнө ко-
лыштмо Псалом, йывырте. Ик чын Юмылан
тыршен служитлыметлан йывырте; үнгышылы-
кет дене Троице Юмылан йöрыметлан йывыр-
те. Курым-влакым Нумалшым Шке көргыштет
Нумалше, йывырте; кидыште сандалыкым
Кучышын Престолжо, йывырте. Курымла ден
жап-влакын каласен мошташ лийдыме Тайны-
же, йывырте; калык ден тукум-влакын пен-
гыде Ёшанышт, йывырте. Порын служитлыше
иерей-влакын шум гыч лекше куанышт, йы-
вырте; Черкыште да мөнгыштö кумалмынам
вашке Колшо, йывырте. Юмын пуымо кугу
уш-акылын Пöртшö, йывырте; Юмын ойырен
налме чаманымаш ате, йывырте. Порылыкет
дене мемнам паремдыше Всецарице, йывырте.

13-шо кондак

Чыла святой дечат Святой Шомакым шо-
чыктышо Всецарице Авана, кызыт кумалмынам
йöратен нал, колымаш чер деч мемнам паремде
да ончыкылык судитлымаш деч утаре нуным,
кö мура: Аллилуиа.

*(Тиде кондак кум гана лудалтеш, вара 1-ше
икос да 1-ше кондак лудалтеш).*



Икымше молитва

Юмым Шочыктышо пеш поро да чудым ыштыше Всецарице Ава! Шке леведыш йымакем Тыйым пурташ мый йӧрдымӧ улам. Чаманыше Юмын чаманен моштышо да йӧратыше чонан Аваже семын шомакым каласе, да мыйын чонем тӧрлана, да вийдыме капем пенгыдемеш. Сенгаш лийдыме куатет уло, да Тыйын мутет шукталтде ок код. Всецарице Ава, Тый мыйын верч йод, мыйын верч сӧрвале, да Тыйын чапле лӱметым эреак, кызытат да мучашдыме курымла гоч чапландарена. Аминь.

Кокымшо молитва

Юмын Эн Яндар Всецарице Аваже! Афон мланде гыч Российыш кондымо чудотворный иконет ончылно мемнан орланыше чонна гыч лекше сӧрвалымынам кол. Тыйын святой тӱсет деке инанен толшо да сукен кумалше, тӧрланен кертдыме чер дене йӧсланыше Шке йочат-влак ӱмбак ончал. Кузе кайык шулдыржо дене шке игыж-влакым леведеш, тыгак Тыят, эреак Илыше, шкендын шуко Эмлыше омофорет дене кызыт мемнам левед. Кушто ӱшанымаш йомеш, чынжымак Ӱшанымаш лий. Кушто чыташ лийдыме ойго сенгынеже, Чытыше да Куштылемдыше лий. Кушто чоныш ӱшаным йомдарыше



пычкемыш пура, тек Юмын каласен мошты-дымо волгыдыжо волгалташ тўнгалеш. Вуйым сакыше-влакым лыпландаре, вийдыме-влакым пенгыдемде, шыде чонан-влакым пушкыдемде, ушыштым волгалтаре. Пеш чаманыше Царице! Черланыше айдемет-влакым тўрлате. Мемнам эмлыше-влакын ушыштым да кидыштым суапландаре. Тек нуно мемнан Христос Утарышынан, Чыла сенгыше Эмлышын, саркуралже лийыт. Мемнан дене пырля илыше улмет гаяк Тыйын иконет ончылно кумалына, Владычице! Орлыкан-влакын Куанышт, ойго годым Лыпландарыше, Тый эмлымаш да паремдымаш дене темше Шке кидетым шуялте. Чудым ыштыше полышым вашке налын, ме Илыш тўнгалтышым пуышо Шелалтдыме Троицым — Ачам, Эргым да Святой Шўлышым — курым-курумеш моктена. Аминь.



**ЮМЫН АВАН «ВСЕЦАРИЦЕ»
ИКОНЫЖ ЛҰМЕШ
АКАФИСТ**

На марийском (луговом) языке

**АКАФИСТ ИКОНЕ
БОЖИЕЙ МАТЕРИ «ВСЕЦАРИЦА»**

Ответственный за выпуск
протоиерей Николай Чузаев

Подписано к печати 23.11.2025. Формат 60x84/16.
Бумага офсетная. Гарнитура «Times».
Печать офсетная. Печ. л. 1,25.
Заказ № . Тираж 1000 экз.

Отпечатано с готового оригинал-макета
в типографии ООО ИПФ «СТРИНГ»
424006, Республика Марий Эл, г. Йошкар-Ола,
ул. Строителей, д. 95, корпус 101 А, помещение 12–12 А.